

## МАЯ В 3-Й ДЕНЬ

### СВЯТЫХ МУЧЕНИК ТИМОФЕЯ И МАВРЫ

Стихиры святых мучеников, глас 4.

Подобен: Яко добля.

**Д**обля в мученицех, \* крепко пострадавшия, \* и борца уморившия, \* и Христа возлюбившия, \* и мир возненавидевшия, \* Сиона мысленнаго достойныя жители, \* Мавру днешь и Тимофея, \* верою сопедшеся, восхвалим согласно, \* мучениколюбцы вси.

**В**язания телесная, очес же избодение, \* повертение ушес, колесное озлобление, \* камене тяжкаго обешение подъял еси, Тимофее, \* низлож врага и к Божественней славе возносим, славне. \* Сего ради тя, верою сопедшеся, молебно восхваляем, \* слава мучеников и похвала.

**С**ветолучными сияньми врага омрачила еси, \* чисто пострадавши, Мавро славная: \* конобная бо врения, перстов отъятие, \* свещное жжение, временное пропятие претерпела еси \* и прешла еси к Божественному покою, \* идеже лик мученик всегда веселится.

Слава, и ныне, праздника.

Тропарь, глас 4:

**М**ученицы Твои, Господи, \* во страданиях своих венцы прияша нетленные от Тебе, Бога нашего, \* имуще бо крепость Твою, \* мучителей низложиша, \* сокрушиша и демонов немощныя дерзости. \* Тех молитвами \* спаси души наша.

## НА УТРЕНИ

Канон, егоже краегранесие: Тимофея и Мавры болезни чествую. Творение Иосифово, глас 6.

### Песнь 1

**Ирмос:** Яко по суху, пешешествовав Израиль \* по бездне стопами, \* гонителя фараона \* видя потопяема, \* Богу победную песнь \* поим, вопияше.

Священных страдалец священное и честное торжество, людие священнии, священо почтим, яко да тех мольбами от бед избавимся.

Священнопобедныя венцы от Христа прияти тщашеся умрети паче, неже жити, доблии мученицы, яве изволивше, тем славу получиша.

Не убоявшеся болезней плотских, ни мук устраившеся, ни огня гонителей, стратотерпцы мученицы Христа на судищи мужески проповедаете.

**Богородичен:** Пресущное Слово, существо прием от чистых кровей Твоих, богосодела нас и тления избави, Чистая, сего ради, вернии, Тя всегда славим.

### Песнь 3

**Ирмос:** Несть свят, \* якоже Ты, Господи Боже мой, \* вознесый рог верных Твоих, Блаже, \* и утвердивый нас на камени \* исповедания Твоего.

Божия книги людем священо отверзая и просвещая сердца, воине Христов Тимофее, в честное мучение, радуяся, вшел еси.

Божественным желанием душу распалив, мучениче, ко огню мук приступил еси терпеливно, темже тя Христова Божественная роса, блаженне, прохлади.

Ум твой, воззрением к Богу просвещаемь, мучениче, не чюяше отнюд желез лютых прикосновения, разжженных бывающих, славне Тимофее.

**Богородичен:** Сый естеством безстрастен Сын Твой, Дево, прият плоть от кровей Твоих чистых и страстию крестною от страстей мя, Чистая, избави.

### Кондак, глас 4.

**Подобен:** Вознесыйся:

Многообразныя язвы претерпевше \* и венцы от Бога приемше, \* о нас молитесь ко Господу, \* память всесвященную вашу совершающих, \* превеликий Тимофее и преславная Мавро, \* еже умирити град и люди, \* Той бо есть верных утверждение.

### Седален, глас 1.

**Подобен:** Гроб Твой:

Почетше Бога, омрачиша прелесть Тимофей мудрый и славная Мавра \* и, всяко претерпевше, прехвальнии, мучение, \* просветишася паче луч солнечных \* и быша сослужители Ангелом, \* ихже верою славим.

Слава, и ныне, праздника.

### Песнь 4

**Ирмос:** Христос моя сила, \* Бог и Господь, \* Честная Церковь \* боголепно поет, зывающи, \* от смысла чиста о Господе празднующи.

Великаго благославия возжелевше, сподобистесь сего, чада Света Божественнаго бывше, великомученицы Христовы, Ангелом равностоятели.

Святых чином сочетався и благопослушлыве уши к Божественным законом имея, славне, провертения крепко претерпел еси, Тимофее.

Воздвигше тя на древо, суетумудреннии отягчают камением главу, славне Тимофее, но укрепляше тя Христос, Божественною страстию украшаема.

Текущих непостояннаго, блаженнии, возгнушастеся воистинну течения и сами себе болезнем отдасте, сего ради яже от века благая восприясте.

**Богородичен:** Чистоты селение, жилище Владыки всех и пророков всех сбытие, Богорадованная Чистая, поющая Тя ущедри.

#### Песнь 5

**Ирмос:** Божиим светом Твоим, Блаже, \* утренюющих Ти души любовию озари, молюся, \* Тя ведети, Слове Божий, \* истиннаго Бога, \* от мрака греховнаго зывающа.

Супружника своего, Мавро, световидных словес послуша любезно и, омрачение злое отвергнуши, свет была еси мучением, Богоблаженная.

Божественным Духом себе, Мавро, вооруживши, честная, к борению льстиваго, радуяся, изошла еси и, сего победивши, победныя венцы, мученице, прияла еси.

Единаго Тя, Господа Иисуса, исповедавши честная, рукою человека создавшаго, посекается перст ручных, неправедное томление мужески терпящи.

**Богородичен:** Бурю помышлений, востания страстей, напастей волнение утиши, Дево Богорадованная, и спаси мя, поюща величия Твоя.

#### Песнь 6

**Ирмос:** Житейское море, \* воздвигаемое зря напастей бурю, \* к тихому пристанищу Твоему притек, вопию Ти: \* возведи от тли живот мой, \* Многомилостиве.

Святити мученицы, ядрилом<sup>16</sup> Креста духовно окривляеми, напастей пучину без вреда верою претекосте и в Божественных пристанищах почиша.

Разжегше коноб, в той тя, Христа исповедающе, ввергоша злочестивии, но пребыла еси невреждена, росю Духа обретше тя, Мавро, прохладену.

Связаеми мученицы вся вязания вражия мужески разрешисте и любовию до конца Христу души привязасте плоти отложением всеприснопамятнии.

**Богородичен:** Всеблагая Владычице, Яже Прейблагаго Бога плотию рождши, озлобленное страстьми мое сердце ублажи, да верою и любовию величаю Тя.

Кондак и икос праздника.

#### Песнь 7

**Ирмос:** Росодательну убо пещь \* содела Ангел \* преподобным отроком, \* халдеи же опаляющее веление Божие \* мучителя увеща вопити: \* благословен еси, Боже отец наших.

Не чужше, свещами, преславная, опаляема всюду, огонь в сердцах любви носящи Христов и Сему вопиющи прилежно: благословен еси, Боже отец наших.

Дремание от очию отринул злобное, о Тимофее, претерпел еси очию ослепление, Христа сердечными очима зря и поя: благословен еси, Боже отец наших.

**Д**ольняя презревше, Божественнии мученицы, Вышнее же жилище наследоваша, священными да почтутся песньми, поюще непрестанно с ними: благословен еси, Боже отец наших.

**Богородичен:** Препетая Дево, препетаго Бога порождающая, поющая Тя причастники покажи света и избави геенны, и огня, и всякаго вреда вражия молитвами Твоими.

### Песнь 8

**Ирмос:** Из пламене преподобным росу источил еси \* и праведнаго жертву водою попалил еси: \* вся бо твориши, Христе, токмо еже хотети. \* Тя превозносим во вся веки.

**С**облюдающе законы Вседержителя, беззаконующих державе не приклонитесь, чести лукавым демоном не принесете, мученицы доблии, Господни наследницы.

**С**опражением изрядным яве совокупаеми, иго Господне легкое взясте купно на выю мученицы и мученическим сопричтостесь стадом.

**Н**а древе пострадавшие крестнем, прехвальнии на мнози дни, изобразисте страсть честную нас ради пострадавшего волею, Егоже превозносим во вся веки.

**Н**ужнейшую воистинну смерть, святии, простертием болезни претерпесте, темже к неболезненной жизни представистесь, воспевающе Христа во вся веки.

**Богородичен:** Украсилася еси, Дево, порождаши прекраснаго добротою Христа Господа, Божественными верными зарями просвещающего, Егоже превозносим во вся веки.

### Песнь 9

**Ирмос:** Бога человеком невозможно видети, \* на Негоже не смеют чини Ангельстии взирати, \* Тобою же, Всечистая, явися человеком \* Слово воплощено, \* Егоже величающе, \* с Небесными вои \* Тя ублажаем.

**В**идети славу сподобистесь Себе изливавшего за милосердие, прехвальнии, Того бо законы сохранили и общницы Сего страстей бысте. Темже, сопедшесь, благочестно вас почитаем.

**Ч**асом равночисленну меру сотвористе, мудрии, ноци и дни пригвождени еже за милосердие ко Кресту приближагося, Егоже исповедающе, всеми владычествующаго, в руке Сего ваша души предасте.

**В**оинство Ангел, лик блаженный пророк, апостол, мученик и преподобных во исход ваш собрашася, всех же Владыка венцы увязе, мученицы, вас победными, яко Препоблагий.

**Н**ам, любовию вас почитающим и честное ваше совершающим торжество, страдальцы Христовы доблии, разрешение грехов, жития исправление и всех лютых прменение, мудрии, испросите.

**Богородичен:** Светом Твоим мя, Богорадованная, в женах Дево, просвети, молюся, и огня вечнаго мя избави, яко да величаю Тя, яко да славлю Тя, яко да по долгу воспою величия Твоя.

## СВЯТЫЕ ТИМОФЕЙ И МАВРА

Святые Тимофей и Мавра пострадали за веру во время гонения императора Диоклитиана (284–305). Святой Тимофей происходил из села Перапеи (Фиваида Египетская), был сыном священника по имени Пиколпосс и состоял чтецом в церковном клире, а также хранителем и переписчиком Богослужбных книг. На святого Тимофея было донесено, что он хранит христианские книги, которые по повелению императора отбирали и сжигали. Святого Тимофея привели к правителю Ариану, который потребовал выдачи священных книг. За отказ выполнить приказание святого подвергли страшным мучениям. Ему вонзили в уши две раскаленные железные палки, отчего у страдальца вытекли глаза и он ослеп. Святой Тимофей мужественно терпел боль, благодарил Бога, что сподобился страдать за Него. Мучители повесили святого вниз головой, вложив ему в рот кусок дерева, и привязали к его шее тяжелый камень. Страдания святого Тимофея были настолько тяжки, что сами исполнители казни стали просить правителя ослабить истязания. В то время Ариану сообщили, что у Тимофея есть молодая супруга по имени Мавра, на которой он женился всего 20 дней назад. Ариан приказал привести Мавру, надеясь, что в ее присутствии непреклонность мученика поколеблется. По просьбе Мавры, изо рта мученика вынули кусок дерева, чтобы он мог говорить. Святой Тимофей убедил жену не бояться мучений и идти вместе с ним на подвиг. Святая Мавра ответила: «Я готова умереть с тобой» и смело исповедала себя христианкой. Ариан приказал вырвать ей волосы на голове и отрубить пальцы на руках. Святая Мавра с радостью перенесла пытки и даже благодарила правителя за муки, претерпеваемые во искупление грехов.

Вскоре он вновь стал убеждать святую Мавру принести жертву идолам. Ничего не добившись, Ариан еще более распалился сатанинской яростью и стал измышлять новые мучения. Тогда народ стал возмущаться и требовать прекращения издевательств над ни в чем неповинной женщиной. Но святая Мавра, обратившись к народу, сказала: «Пусть никто не защищает меня, один у меня Защитник – Бог, на Которого я уповаю».

После долгих истязаний Ариан приказал распять мучеников. В течение девяти дней висели они на крестах лицом друг к другу.

На десятый день мученического подвига святые предали Господу свои души. Это произошло в 286 году. Впоследствии в Константинополе стали торжественно праздновать память святых мучеников Тимофея и Мавры, был построен храм в их честь.

Со временем мучитель Ариан раскаялся в своих злодеяниях и принял христианскую веру. Вместе со своей семьей он добровольно принял мучения в 287 году (память 14 декабря).